

رافض يموت

برغم أنات الوجع
برغم آلام السنين
برغم صبري يا جدع
برغم أصوات الأئين
عايش بوشوش الودع
عايش علي أملي الحزين
كلمة فراق كلمة حزينة
فيها عذاب
والحروف بين الضلوع
مقفول عليها ألف باب
حتي الكتابة بتسجن

جوه الصدور
والكلام ما بين الحاجر والسطور
زي السراب
الروح رافضة في الجسد أصلا تعيش
والقلب مش قادر يعافر
مليان ضباب
والحلم راسم سكته صمت وسكوت
والخوف رغم ضحكته
رافض يموت